

Na osnovu članova 13. i 38. Statuta Fonda za profesionalnu rehabilitaciju i zapošljavanje osoba sa invaliditetom („Službene novine Federacije BiH“, br. 28/11), u skladu sa članovima 8, 9, 10, 11, 58. i 65. Zakona o profesionalnoj rehabilitaciji, osposobljavanju i zapošljavanju osoba sa invaliditetom („Službene novine Federacije BiH“ br. 9/10), poglavljem III Odluke o osnivanju Fonda za profesionalnu rehabilitaciju i zapošljavanje osoba s invaliditetom („Službene novine Federacije BiH“, br. 48/10), a u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“ br. 37/24), a na prijedlog direktora Fonda, privremeni Upravni odbor Fonda za profesionalnu rehabilitaciju i zapošljavanje osoba sa invaliditetom, na 90. sjednici održanoj dana 25.02.2026. godine *d o n o s i*

P R A V I L N I K O I Z M J E N A M A

Pravilnika o raspodjeli sredstava za finansiranje/sufinansiranje programa održivosti zaposlenosti, razvoja privrednih društava za zapošljavanje osoba sa invaliditetom i zaštitnih radionica, te programa profesionalne rehabilitacije osoba s invaliditetom broj: 01-02-2-2122/25 od 19.02.2025. godine

Član 1.

U Pravilniku o raspodjeli sredstava za finansiranje/sufinansiranje programa održivosti zaposlenosti, razvoja privrednih društava za zapošljavanje osoba sa invaliditetom i zaštitnih radionica, te programa profesionalne rehabilitacije osoba s invaliditetom, broj: 01-02-2-2122/25 od 19.02.2025. godine, u članu 6. stav (3) tačka h) mijenja se i ista glasi:

„Da privredno društvo ili zaštitna radionica ima zaposleno minimalno onoliko osoba sa invaliditetom koliko je do sada imalo obavezu zaposliti putem programa razvoja (Lot-a II) finansiranih sredstvima Fonda.“

Član 2.

U članu 11. stav (2) tačka e) mijenja se i ista glasi:

„Bilans stanja i Bilans uspjeha za prethodnu godinu iz kojeg je vidljivo da je isti predat i ovjeren od Finansijsko informatičke agencije (ovjerena fotokopija). Za lica koja obavljaju samostalnu ili poljoprivrednu djelatnost Obrazac SPR-1053 za prethodnu godinu ovjeren od strane Porezne uprave FBiH ili elektronski predat obrazac sa naznačenim DLN kodom (original ili ovjerena fotokopija), a za one koji porez na dohodak plaćaju paušalno akt nadležnog organa kojim se odobrava paušalno plaćanje poreza na dohodak (ovjerena fotokopija). Budžetski korisnici dostavljaju samo Bilans stanja za prethodnu godinu (ovjerena fotokopija).“

Član 3.

U članu 12. stav (3) tačka f) mijenja se i ista glasi:

„Potvrda da osoba koju poslodavac zapošljava u okviru Lot-a II nije u radnom odnosu, koja nije starija od dana objavljivanja javnog poziva, odnosno potvrda da se vodi na evidenciji kod nadležne kantonalne službe za zapošljavanje ili ukoliko se osoba ne vodi na evidenciji Službe za zapošljavanje, uvjerenje Porezne uprave FBiH da osoba nije evidentirana kao zaposlena (original ne stariji od dana objavljivanja javnog poziva).“

Član 4.

U članu 12. stav (7) u tački c) iza riječi (ovjerena fotokopija) dodaje se rečenica i ista glasi:

„Navedeni dokaz nisu dužni dostaviti aplikanti koji apliciraju za pohađanje obuke radi sticanja certifikata za obavljanje poslova fizičke, tehničke zaštite i odgovornih lica u Agencijama za zaštitu ljudi i imovine i unutrašnjim službama zaštite, vozački ispit za sve kategorije vozila, IT kurseve i kurseve stranih jezika.“

Član 5.

U članu 13. stav (1) u tački b) dodaje se nova alineja i ista glasi:

„Za osobe sa lakom mentalnom retardacijom dodjeljuju se 2 boda (intelektualne teškoće), a za osobe sa umjerenom mentalnom retardacijom 4 boda.“

Član 6.

U članu 14. stav (1) u tački b) dodaje se nova alineja i ista glasi:

„Za osobe sa lakom mentalnom retardacijom dodjeljuju se 2 boda (intelektualne teškoće), a za osobe sa umjerenom mentalnom retardacijom 4 boda.“

Član 7.

U članu 15. stav (1) u tački b) dodaje se nova alineja i ista glasi:

„Za osobe sa lakom mentalnom retardacijom dodjeljuju se 2 boda (intelektualne teškoće), a za osobe sa umjerenom mentalnom retardacijom 4 boda.“

Član 8.

U članu 16. stav (1) tačka a) riječi „5 - 30 bodova“, zamjenjuju se riječima „6 - 30 bodova“.

Član 9.

U članu 17. stav (1) u tački b) dodaje se nova alineja i ista glasi:

„Za osobe sa lakom mentalnom retardacijom dodjeljuju se 4 boda (intelektualne teškoće), a za osobe sa umjerenom mentalnom retardacijom 8 bodova.“

Član 10.

Član 21. stav (2) mijenja se i isti glasi:

„Nacrt ugovora o raspodjeli sredstava priprema Sektor pravnih, administrativnih i kadrovskih poslova. Sektor finansijskih i računovodstvenih poslova razmatra i daje mišljenje na odredbe nacrtu ugovora koje se odnose na finansijske odredbe, odredbe koje regulišu obavezne evidencije finansijske dokumentacije koju treba voditi korisnik sredstva, odredbe koje se odnose na povrate nenamjenski utrošenih ili manje utrošenih sredstava i sl. Prije nego što se ugovor dostavi na potpisivanje ovlaštenoj osobi, Sektor pravnih, administrativnih i kadrovskih poslova, Sektor finansijskih i računovodstvenih poslova i Sektor nadzora i obračuna novčanih nadoknada osiguravaju zakonitost ugovora usklađujući ga sa važećim propisima, svako u okviru svoje nadležnosti.“

Član 11.

Član 21. stav (8) mijenja se i isti glasi:

„Ukoliko aplikant koji je uvršten u Odluku o raspodjeli, u roku od 30 dana od dana donošenja Odluke, ne dostavi dokumentaciju iz stava (5) i (6) ovog člana, smatrat će se da je odustao od prava na dodjelu programa, te mu sredstva neće biti dodijeljena.“

Član 12.

U članu 22. stav (17) iza riječi „Pravilnikom“ dodaju se riječi: „na prijedlog direktora“.

Član 13.

Član 24. stav (5) mijenja se i isti glasi:

„Privredna društva za zapošljavanje osoba sa invaliditetom, zaštitne radionice i ustanove za profesionalnu rehabilitaciju koji ne podnesu Fondu finansijski izvještaj o prihodima i rashodima sredstava posebne namjene (član 55. Zakona), iz prethodne godine, najkasnije uz aplikacioni obrazac za finansiranje i sufinansiranje programa, bit će isključeni iz raspodjele sredstava po javnom pozivu.“

Ukoliko se utvrdi da predmetno društvo nije dostavilo tačne podatke, isto će biti isključeno iz tekuće raspodjele sredstava.“

Član 14.

Član 25. stav (3) mijenja se i isti glasi:

„Sredstva, oprema, vozila i drugo nabavljena u okviru programa trebaju nositi oznaku koja sadrži naziv Vlade Federacije Bosne i Hercegovine i Fonda na sljedeći način:



Finansirano/sufinansirano sredstvima
Vlade Federacije Bosne i Hercegovine
Fonda za profesionalnu rehabilitaciju i zapošljavanje osoba sa invaliditetom
Program: Naziv programa“

Član 15.

Ostale odredbe Pravilnika ostaju nepromijenjene.

Član 16.

Pravilnik o izmjenama Pravilnika o raspodjeli sredstava za finansiranje/sufinansiranje programa održivosti zaposlenosti, razvoja privrednih društava za zapošljavanje osoba sa invaliditetom i zaštitnih radionica, te programa profesionalne rehabilitacije osoba s invaliditetom broj: 01-02-2-2122/25 od 19.02.2025. godine stupa na snagu danom donošenja.



PREDSJEDNIK UPRAVNOG ODBORA

Dr. Senad Pešto

Broj: 01-02-2-2294/26
Sarajevo, 25.02.2026. godine